

STATUT

I SHOQËRISË ME PËRGJEGJËSI TË KUFIZUAR

“ Përzgjedhur Produkti i Vitit - Shqipëri ” Sh.p.k.

Në këtë statut:

- Ligj është Ligji Nr. 9901, datë 14.04.2008 “Për tregtarët dhe shoqëritë tregtare” i ndryshuar;
- “Statut” është Statuti i Shoqërisë;

KREU I

Themelimi, Emërtimi, Objekti, Selia, Kohëzgjatja

Neni 1 – Themelimi, Forma dhe Ortaket

- 1.1. Sot më datë 29.05./2019, ne, themeluesit vendosëm krijimin e një shoqërie me përgjegjësi të kufizuar, me emrin “ Përzgjedhur Produkti i Vitit - Shqipëri ” Sh.p.k., veprimtaria e së cilës do të rregullohet me anë të këtij Statuti dhe Aktit të Themelimit.
- 1.2. Themeluesit e shoqërisë janë:
Znj. Ilda Mara, adresa rruga Marko Boçari, Pallati TID 2, Ap. 29
Tirane 1001, Shqipëri
Z. Hazis Vardar, adresa 42 Rue de Clichy, 75009 Paris, France
- 1.3. Akti i Themelimit dhe Statuti janë në përputhje me legjislacionin shqiptar që ka karakter të detyrueshëm, ndërsa çështjet që nuk janë shprehimisht të parashikuara në to, plotësohen nga legjislacioni shqiptar.

Neni 2 – Emërtimi

- 2.1 Emërtimi i Shoqërisë është “ Përzgjedhur Produkti i Vitit - Shqipëri ” Sh.p.k.

Neni 3 – Objekti i shoqërisë

- 3.1 Shoqëria ka si objekt veprimtarie të gjitha aktivitetet që lidhen me zhvillimin e eventeve, panairëve, workshop koncerteve, promocioneve dhe konkurseve. Zhvillimin e eventeve, konkurseve për përzgjedhjen e produkteve me të mira, në baza vjetore, të mallrave të konsumit, të shërbimeve, industrive etj.
- 3.2 Shoqëria mund të kryejë çdo operacion tregtar, import-eksport, të blejë dhe shesë ose marrë me qira ndërmarrje, degë ndërmarrjesh. Të kontraktoje marrjen e licencave nga markat e huaja, të ketë interesa, ose pjesëmarrje në shoqëri, ente, konsociume, të themeluara apo në themelim e sipër, që kanë objekt të njëjtë ose të ngjashëm me të vetin apo gjithësi funksional për

arritjen e qëllimeve të shoqërisë.

- 3.3 Shoqëria mund të kryej çdo aktivitet tjetër të nevojshëm apo të dobishëm për realizimin e qëllimeve të shoqërisë.

Neni 4 – Selia

- 4.1. Selia e Shoqërisë ndodhet në adresën: Rruga Nikolla Jorga, Pallati Delta 2, Tirane 1001
- 4.2. Transferimi i selisë së Shoqërisë në një vend tjetër bëhet me vendimin e Asamblesë së Ortakëve.
- 4.3. Asambleja e Ortakëve mund të vendosë hapjen e filialeve, degëve dhe përfaqësive të Shoqërisë në qytete të tjera të Shqipërisë si edhe jashtë saj.

Neni 5 – Kohëzgjatja e veprimtarisë

- 5.1. Kohëzgjatja e veprimtarisë së shoqërisë do të jetë për një afat kohe të pacaktuar.
- 5.2 Shoqëria mund të priset në çdo moment që mund të vendoset prej ortakëve

KREU II

Kapitali themeltar, Kontributet, Ndarja e pjesëve të kapitalit

Neni 6 – Kapitali themeltar dhe Kontributet

- 6.1 Kapitali themeltar i shoqërisë është 100.000 (njëqind mije) lekë.
- 6.2 Kapitali themeltar i shoqërisë përbëhet nga 2 kuota, ku secili zotëron nga 1 kuotë.
Pjesëmarrja e themeluesve në kapitalin e shoqërisë është në përpushje me kontributet e tyre si më poshtë:
1. Ortaku Themelues Znj. Ilda Mara, 1 kuotë, me vlerë të përgjithshme 51 000 Lekë që përbën 51 % të kapitalit themeltar të shoqërisë. Kontributi i ortakut është paguar në të holla.
 2. Ortaku Themelues Z. Hasis Vardar i përkasin 1 kuotë, me vlerë të përgjithshme 49 000 leke që përbën 49 % të kapitalit themeltar të shoqërisë. Kontributi i ortakut është paguar në të holla.

Neni 7 - Rritja e kapitalit themeltar

- 7.1 Kapitali themeltar mund të rritet pa kufi në çdo moment, me vendim të Asamblesë së Ortakëve që përfaqësojnë të paktën $\frac{3}{4}$ (tre të katërtat) e kapitalit themeltar.
- 7.2 Në rast rritjeje të kapitalit, kuotat e ortakeve të Shoqerise do të rriten sipas shumave të përcaktuara në vendimin e asamblese.
- 7.3 Në asnjë rast shumica nuk mund të detyroje nje ortak për të rritur angazhimin e tij në kapitalin themeltar.

Neni 8 – Zvogëlimi i kapitalit themeltar

- 8.1 Shoqëria mund të zvogëlojë kapitalin themeltar me vendimin e Asamblesë së Ortakëve, me votën pro të ortakëve që zotërojnë të paktën $\frac{3}{4}$ (tre të katërtat) e kapitalit themeltar. Në çdo rast kapitali themeltar nuk mund të zvogëlohet nën kufijtë e parashikuar nga ligji.
- 8.2 Zvogëlimi i kapitalit përballohet nga secili prej ortakëve sipas shumave të përcaktuara në vendimin e asamblesë.

Neni 9 – Transferimi i pjesëve të kapitalit dhe e drejta e parablerjes

- 9.1 Pjesët e kapitalit janë lirisht të transferueshme ndërmjet ortakëve, sipas nenit 73 te ligjit 9901, date 14.04.2008 “Për tregtarët dhe shoqëritë tregtare” i ndryshuar.
- 9.2 Në rast transferimi të pjesëve të kapitalit në çdo lloj forme në favor të personave të tjerë nga ata të parashikuar më sipër, si me shpërblim ashtu edhe pa shpërblim, me çdo kusht, duke përfshirë edhe dhurimin, ortakët e tjerë gëzojnë të drejtën e parablerjes mbi këto pjesë kapitali.
- 9.3 Në një rast të tillë ortaku që do të transferojë pjesët e tij të kapitalit duhet t’i njoftojë ortakët e tjerë, me letër rekomande, mbi synimin për shitjen, çmimin, kushtet, modalitetet, emrin e blerësit dhe afatet e transferimit. E drejta e parablerjes i referohet të gjitha pjesëve të kapitalit ofruar për shitje.
- 9.4 Ortakët do të kenë në dispozicion 15 (pesëmbëdhjetë) ditë nga marrja e letrës rekomande, për t’i komunikuar ortakut që transferon pjesët e kapitalit, synimin e tyre për të ushtruar apo jo të drejtën e parablerjes. Në rast se ata nuk përgjigjen në afatin e caktuar, prezumohet se kanë hequr dorë nga e drejta e

tyre e parablerjes.

- 9.5 Në rast se oferta pranohet nga disa ortakë, pjesët e kapitalit të ofruara nga ortaku që transferon pjesët e kapitalit, do të ndahen nga ortakët pranues, në të njëjtën masë më pjesët që ata zotërojnë, përveç rastit kur ka një marrëveshje të kundërt. Në asnjë rast, pranuesi i ofertës nuk mund të ushtrojë pjesërisht të drejtën e parablerjes.
- 9.6 Në rast se nuk ushtrohet e drejta e parablerjes, pjesët e kapitalit mund t'i transferohen të tretëve plotësisht apo pjesërisht, me vendimin e Asamblesë që përfaqëson të paktën $\frac{3}{4}$ (tre të katrat) e kapitalit themeltar.
- 9.7 Në rast të transferimit të pjesëve të kapitalit për shkak trashëgimie *mortis causa* ortakët e tjerë kanë të drejtë të shprehin pëlqimin e tyre për ortakët e rinj. Nëse ortakët e Shoqërisë nuk japin pëlqimin e tyre për ortakët e rinj pjesët e kapitalit mund t'i transferohen të tretëve plotësisht apo pjesërisht, me vendimin e Asamblesë që përfaqëson të paktën $\frac{3}{4}$ (tre të katrat) e kapitalit themeltar.

KREU III

Organet vendimmarrëse dhe Drejtuese

Neni 10 – Asambleja e ortakëve dhe kompetencat e saj

- 10.1 Asambleja e Përgjithshme e Ortakëve është organi i vetëm vendimmarrës i shoqërisë.
- 10.2 Asambleja e Përgjithshme e Ortakëve është organi i vetëm vendimmarrës i shoqërisë që miraton çdo ndryshim në statut sipas modaliteteve të përcaktuara nga ligji.
- 10.3 Asambleja e Përgjithshme e Ortakëve është përgjegjëse për marrjen e vendimeve për shoqërinë për çështjet e mëposhtme:
- a) përcaktimin e politikave tregtare të shoqërisë;
 - b) ndryshimet e statutit;
 - c) emërimin e shkarkimin e administratorëve;
 - ç) emërimin e shkarkimin i likuiduesve dhe të ekspertëve kontabël të autorizuar;
 - d) përcaktimin e shpërblimeve për personat e përmendur në shkronjat "c" dhe "ç" të kësaj pike;
 - dh) mbikëqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecurisë së veprimtarisë;
 - e) miratimin e pasqyrave financiare vjetore dhe të raporteve të ecurisë së veprimtarisë;
 - ë) zmadhimin dhe zvogëlimin e kapitalit;

- f) pjesëtimin e kuotave dhe anulimin e tyre;
 - g) përfaqësimin e shoqërisë në gjykatë dhe në procedimet e tjera ndaj administratorëve;
 - gj) riorganizimin dhe prishjen e shoqërisë;
 - h) miratimin e rregullave procedurale të mbledhjeve të asamblesë;
 - i) çështje të tjera të parashikuara nga ligji apo statuti.
- 10.4 Ortaku mund të përfaqësohet në asamblesë e përgjithshme nëpërmjet një autorizimi, nga një ortak tjetër apo nga një person i tretë.
- 10.5 Autorizimi mund të jepet vetëm për një mbledhje të asamblesë së përgjithshme, e cila përfshin edhe mbledhjet vijuese me të njëjtin rend dite.

Neni 11

Mënyra e thirrjes së mbledhjes së Asamblesë së Përgjithshme të Ortakëve

- 11.1 Asambleja e Përgjithshme e Ortakëve thirret nëpërmjet një njoftimi me letër rekomande ose me njoftim nëpërmjet postës elektronike. Njoftimi me shkresë apo me mesazh elektronik duhet të përmbajë vendin, datën, orën e mbledhjes dhe rendin e ditës e t'u dërgohet të gjithë ortakëve, jo më vonë se 7 ditë përpara datës së parashikuar për mbledhjen e asamblesë.
- 11.2 Asambleja e Përgjithshme e Ortakëve thirret të paktën një herë në vit, brenda 6 (gjashtë) muajve nga mbyllja e vitit financiar për miratimin e bilancit, të raportit të Administratorit, ekspertit kontabël si dhe inventarit.
- 11.3 Asambleja e Përgjithshme e Ortakëve mund të thirret në çdo moment nga një prej Administratorëve ose nga një ose disa ortakëve që përfaqësojnë më shumë se 5% (pese per qind) te kapitalit themeltar.
- 11.4 Asambleja mund të thirret edhe jashtë selisë së Shoqërisë, si dhe jashtë territorit Shqipëtarë.
- 11.5 Mbledhjet e Asamblesë mund të mbahen edhe nëpërmjet telekonferencës dhe videokonferencës, me kusht që të gjithë pjesëmarrësit të mund të identifikohen dhe t'i lejohet atyre të ndjekin diskutimin dhe të ndërhyjnë në momentin e trajtimit të argumenteve; pasi të jenë verifikuar këto kërkesa që duhet të rezultojnë në procesverbalin e mbledhjes, Asambleja konsiderohet e mbajtur në vendin ku ndodhet Kryetari në të cilin duhet të ndodhet edhe Sekretari i mbledhjes.
- 11.6 Asambleja vendos mbi ndryshimet në Statut me votën *pro* të ortakëve që përfaqësojnë të paktën $\frac{3}{4}$ (tre të katërtat) e kapitalit themeltar.
- 11.7 Çdo Asamble drejtohet nga një ortak ose ndonjë person tjetër i caktuar nga e njëjta Asamble. Për pasqyrimin e vendimit Asambleja emëron një Sekretar, që

mund të jetë edhe jo-ortak.

- 11.8 Asambleja do të thirret dhe mbahet rregullisht edhe pa respektimin e formaliteteve të njoftimit të parashikuara në pikën 1 të këtij neni, në rast se janë të pranishëm ortakët që përfaqësojnë të tërë kapitalin themeltar.

Neni 12

Kuorumi

- 12.1 Në rastin e marrjes së vendimeve, që kërkojnë një shumicë të zakonshme, asambleja e përgjithshme mund të marrë vendime të vlefshme vetëm nëse marrin pjesë ortakët me të drejtë vote, që zotërojnë më shumë se 30 për qind të kuotave.
- 12.2 Në rastin kur asambleja e përgjithshme duhet të vendosë për çështje, të cilat kërkojnë shumicë të kualifikuar sipas nenit 87 të ligjit “ Për Tregtarët dhe Shoqëritë Tregtare “, ajo mund të marrë vendime të vlefshme vetëm, nëse ortakët që zotërojnë më shumë se gjysmën e numrit total të votave, janë të pranishëm personalisht, votojnë me shkresë, apo mjete elektronike, sipas parashikimeve të pikës 3 të nenit 88 të këtij ligji.
- 12.3 Nëse asambleja e përgjithshme nuk mund të mbledhet për shkak të mungesës së kuorumit të përmendur me lart, asambleja mbledhet përsëri jo më vonë se 30 ditë, me të njëjtin rend dite.

Neni 13

Marrja e vendimeve

- 13.1 Asambleja e përgjithshme vendos me tri të katërtat e votave të zoteruesve të kapitalit, për ndryshimin e statutit, zmadhimin ose zvogëlimin e kapitalit të regjistruar, shpërndarjen e fitimeve, riorganizimin dhe prishjen e shoqërisë.
- 13.2 Asambleja e përgjithshme vendos me shumicën e votave të ortakëve pjesëmarrës, për çështje të tjera si :
- a) përcaktimi i politikave tregtare të shoqërisë;
 - b) emërimin dhe shkarkimin e administratorëve;
 - c) emërimin e shkarkimin i likuiduesve dhe të ekspertëve kontabël të autorizuar;
 - ç) përcaktimin e shpërblimeve
 - d) mbikëqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecurisë së veprimtarisë;
 - e) përfaqësimin e shoqërisë në gjykatë dhe në procedimet e tjera ndaj administratorëve;
 - f) miratimin e rregullave procedurale të mbledhjeve të asamblesë;

- 13.3 Cdo ndryshim statuti duhet te depozitohet prane QKR per te pasyqruar ndryshimet ne skeden e shoqerise.

Neni 14

Përfshirja nga e drejta e votes

- 14.1 Ortaku nuk mund të ushtrojë të drejtën e votës nëse asambleja e përgjithshme merr vendim për:
- a) vlerësimin e veprimtarisë së tij;
 - b) shuarjen e ndonjë detyrimi në ngarkim të tij;
 - c) ngritjen e një padie ndaj tij nga shoqëria;
 - ç) dhënien ose jo të përfitimeve të reja.
- 14.2 Kur ortaku përfaqësohet nga një përfaqësues i autorizuar, i autorizuari vlerësohet të jetë në të njëjtin konflikt interesi, ashtu si dhe ortaku, të cilin përfaqëson.

Neni 15

Administrimi

- 15.1 Asambleja e përgjithshme emëron një ose më shumë persona fizikë si administratorë të shoqërisë. Afati i emërimit, është 5 vjet, me të drejtë ripërtëritjeje. Emërimi i administratorëve prodhon efekte pas regjistrimit në Qendrën Kombëtare të Biznesit.
- 15.2 Administratorët e një shoqërie tregtare mëmë, sipas përcaktimit të nenit 207 të ligjit, nuk mund të emërohen si administratorë të një shoqërie të kontrolluar e anasjelltas. Çdo emërim i bërë në kundërshtim me këto dispozita është i pavlefshëm.
- 15.3 Përfaqësimi ligjor i Shoqërisë i besohet Administratorëve, bashkarisht apo veçmas.
- 15.4 Administratorët mund të emërojnë përfaqësues të posaçëm për veprime apo kategori të caktuara veprimesh.
- 15.5 Znj. Ilda Mara emërohet administrator i shoqërisë për një afat 5 (pese) vjeçar.

Të dhënat e identifikimit:

Ilda Mara

rruga Marko Boçari, Pallati TID 2, Ap. 29 Tirane 1001 dhe nënshkrimit:

(mbiemrat, emrat, adresat):

Neni 16

Kompetencat e Administratorëve

16.1 Administratorët kanë të drejtë e detyrohen të:

- a) kryejnë të gjitha veprimet e administrimit të veprimtarisë tregtare të shoqërisë, duke zbatuar politikat tregtare, të vendosura nga asambleja e përgjithshme;
- b) përfaqësojnë shoqërinë tregtare;
- c) kujdesen për mbajtjen e saktë e të rregullt të dokumenteve dhe të librave kontabël të shoqërisë;
- ç) përgatisin dhe nënshkruajnë bilancin vjetor, bilancin e konsoliduar dhe raportin e ecurisë së veprimtarisë dhe, së bashku me propozimet për shpërndarjen e fitimeve, i paraqesin këto dokumente përpara asamblesë së përgjithshme për miratim;
- d) kryejnë regjistrimet dhe dërgojnë të dhënat e detyrueshme të shoqërisë, siç parashikohet në ligjin për Qendrën Kombëtare të Biznesit;
- e) raportojnë përpara asamblesë së përgjithshme në lidhje me zbatimin e politikave tregtare dhe me realizimin e veprimeve të posaçme me rëndësi të veçantë për veprimtarinë e shoqërisë tregtare;
- ë) kryejnë detyra të tjera të përcaktuara në ligj dhe në statut.

16.2 Administratorët janë të detyruar të thërrasin Asamblesën e Përgjithshme, në rastet kur:

- a) shoqëria propozon të shesë apo të disponojë në mënyrë tjetër aktive, të cilat kanë një vlerë më të lartë se 5 për qind të aseteve të shoqërisë, që rezultojnë në pasqyrat e fundit financiare të certifikuara.
- c) shoqëria, brenda 2 viteve të para pas regjistrimit të saj, propozon të blejë nga një ortak pasuri, që kanë vlerë më të lartë se 5 për qind të aseteve të shoqërisë, që rezultojnë në pasqyrat e fundit financiare të certifikuara.

16.3 Asambleja e përgjithshme mund të shkarkojë administratorin në çdo kohë me shumicë të zakonshme. Paditë, që lidhen me shpërblimin e administratorit, në bazë të marrëdhënieve kontraktore me shoqërinë, rregullohen sipas dispozitave ligjore në fuqi.

Neni 17

Përgjegjësitë e Administratorit

17.1 Administratori është përgjegjës individualisht, ndaj shoqërisë ose ndaj të tretëve, për shkelje të ligjeve, për shkelje të statutit, apo për faje të kryera gjatë administrimit të shoqërisë. Pasojat e marrëveshjeve të pa miratuara nga asambleja që i sjellin dëm shoqërisë, i ngarkohen administratorit dhe ortakut që ka bërë marrëveshjen, për të përballuar në mënyrë individuale ose solidarisht sipas rastit pasojat përkatëse.

17.2 Përveç sa është parashikuar në dispozitat e përgjithshme të detyrimit të besnikërisë, sipas neneve 14, 15, 17 e 18 të ligjit "Për Tregtarët dhe Shoqëritë Tregtare", administratori detyrohet:

- a) të kryejë detyrat e tij të përcaktuara në ligj dhe në statut në mirëbesim e në interesin më të mirë të shoqërisë në tërësi, duke i kushtuar vëmendje të veçantë ndikimit të veprimtarisë së shoqërisë në mjedis;
- b) të ushtrojë kompetencat që i njihen në ligj dhe në statut vetëm për arritjen e qëllimeve të përcaktuara në këto dispozita;
- c) të vlerësojë me përgjegjësi çështjet, për të cilat merret vendim;
- d) të ushtrojë detyrat e tij me profesionalizmin dhe kujdesin e nevojshëm.

- 17.3 Në mënyrë të veçantë, por pa u kufizuar në to, administratori është i detyruar t'i dëmshpërblejë shoqërisë dëmet e shkaktuara, nëse, në kundërshtim me dispozitat e ligjit "Për Tregtarët dhe Shoqëritë Tregtare" i ndryshuar, kryen veprimet e mëposhtme:
- a) u kthen ortakëve kontributet;
 - b) u paguan ortakëve interesa apo dividendë;
 - c) u shpërndan aktivet shoqërisë;
 - ç) lejon që shoqëria të vazhdojë veprimtarinë tregtare, kur, në bazë të gjendjes financiare, duhej të parashikohej që shoqëria nuk do të kishte aftësi paguese për të shlyer detyrimet;
 - d) jep kredi.

KREU IV

Viti financiar-Ekspertet

Neni 18

Viti Financiar

- 18.1 Viti financiar i Shoqërisë fillon me 1 Janar dhe përfundon me 31 Dhjetor. Përfundimisht, viti i parë financiar fillon nga data e regjistrimit të shoqërisë në Qendrën Kombëtare të Biznesit dhe mbyllet me 31 Dhjetor.

Neni 19 – Eksperti kontabël i autorizuar

- 19.1 Në rast se kërkohet nga ligji apo vendoset nga Asambleja e Ortakëve, kontrolli i bilanceve dhe librave kontabël të Shoqërisë mund t'i besohet një eksperti kontabël të autorizuar.
- 19.2 Eksperti ka për detyrë që të kontrollojë të gjithë dokumentacionin kontabel të veprimtarisë ekonomike tregtare të shoqërisë, atë gjithëvjetor dhe atë në lidhje me kontrollin periodik të ushtruar prej tij për rastet kur ai është ngarkuar dhe ka kryer një gjë të tillë të ngarkuar nga ana e ortakëve.
- 19.3 Në përfundim të kontrollit eksperti kontabel i autorizuar përgatit raportin me shkrim për nxjerrjen e rezultatit të bilancit financiar vjetor si dhe për atë për kontrollin periodik të ushtruar, të cilat është i detyruar që t'ja paraqesë e dorëzojë në kohë ortakëve për t'i shqyrtuar e miratuar mbi bazën e të drejtës vendimore që ka.
- 19.4 Eksperti kontabël i autorizuar mund të shkarkohet sipas mënyrës së parashikuar nga legjislacioni në fuqi.

Neni 20 – Fitimet

- 20.1 Fitimet që rezultojnë nga bilanci vjetor, duke zbritur 5% (pesë për qind) që caktohen për rezervën ligjore deri në 10% (dhjetë për qind) e kapitalit themeltar, u shpërndahen ortakëve në proporcion me pjesët e kapitalit themeltar të zotëruara.
- 20.2 Asambleja mund të vendosë edhe zbritje të veçanta në favor të rezervave të jashtëzakonshme ose për qëllime të tjera apo dhe shtyrjen e shpërndarjes së fitimeve, plotësisht ose pjesërisht, për vitet financiare të ardhshme.

KREU V

Prishja, Likuidimi dhe Riorganizimi i shoqërisë

Neni 21 – Prishja

- 21.1 Shpërndarja ose prishja e shoqërisë mund të bëhet në çdo kohë :
- a) kur mbaron kohëzgjatja e parashikuar në themelimin e saj;
 - b) me vendim të Asamblese së Ortakëve;
 - c) me hapjen e procedurave të falimentimit;
 - ç) nëse nuk ka kryer veprimtari tregtare për dy vjet dhe nuk është njoftuar pezullimi i veprimtarisë në përputhje me pikën 3 të nenit 43 të ligjit nr.9723, datë 3.5.2007 “Për Qendrën Kombëtare të Regjistrimit”, e ndryshuar;
 - d) me vendim të gjykatës;
- 21.2 Shoqëria nuk priset në rast të humbjes së zotësisë për të vepruar, pazotësisë juridike, vdekjes, ose falimentimit të ortakëve.

Neni 22 – Likuidimi

- 22.1 Prishja e shoqërive tregtare ka si pasojë hapjen e procedurave të likuidimit në gjendjen e aftësisë pague, me përjashtim të rasteve kur është nisur një procedurë falimentimi.
- 22.2 Për të administruar këtë procedurë, Asambleja emëron një ose më shumë likuidatorë, të cilët paraqesin raportet përfundimtare mbi gjendjen e aktivitetit dhe pasivitetit të Shoqërisë, mbi operacionet e likuidimit dhe mbi kohën e nevojshme për të përfunduar likuidimin.
- 22.3 Me përfundimin e procedurës së likuidimit, Asambleja do të vendosë mbi bilancin financiar përfundimtar, mbi punën e kryer nga likuiduesi dhe mbi

përfundimin e procesit të likuidimit.

- 22.4 Pas pagimit të kreditorëve dhe mbledhjes së kredive, likuidatori do t'i shpërndajë të ardhurat përfundimtare të likuidimit ortakëve, në proporcion me pjesët e kapitalit të zotëruara prej tyre në kapitalin themeltar.
- 22.5 Nëse Ortaket nuk merrin një vendim për emërimin e likuiduesve, brenda 30 ditëve pas prishjes, çdo person i interesuar mund t'i drejtohet gjykatës, për të caktuar një likuidues.

Neni 23

Riorganizim i shoqërisë, Bashkimi-Ndarja

- 23.1 Shoqëria mund të ndahet, bashkohet sipas Vendimit të Mbledhjes së Përgjithshme të Asamblesë së Ortakëve, në përputhje me dispozitat ligjore të parashikuara në Pjesën IX të Ligjit 9901 datë 14.04.2012 "Për tregtarët dhe shoqëritë tregtare."

Neni 24 - Zgjidhja e mosmarrëveshjeve

- 24.1 Të gjitha mosmarrëveshjet që mund të lindin në lidhje me interpretimin dhe/ose zbatimin e këtij statuti dhe aktit të themelimit, si edhe ato që mund të lindin në përgjithësi midis ortakëve (përveç atyre personale apo jashtë Shoqërisë) ose midis një apo më shumë ortakëve dhe Shoqërisë, do të zgjidhen në mënyrë miqësore dhe do të diskutohen në mënyrë të drejtpërdrejtë ndërmjet palëve të interesuara.
- 24.2 Në rast se nuk arrihet një marreveshje atehere palet do të drejtohen Gjykatës

Neni 25

Baza Ligjore

- 25.1 Shoqëria do të zhvillojë aktivitetin e tij në përputhje të plote me këtë statut dhe dispozitat e legjislacionit shqiptar.
- 25.2 Për sa nuk parashikohet në këtë statut, do të zbatohen dispozitat e ligjit "Për tregtarët dhe shoqëritë tregtare", Kodit Civil dhe çfarëdo ligji tjetër specifik në Republikën e Shqipërisë.

Neni 26

Mosmarrëveshjet


- 26.1 Për mosmarrëveshjet që mund të lindin në lidhje me zbatimin apo interpretimin e këtij statuti, si dhe për çdo mosmarrëveshje që mund të lindë midis Shoqërisë dhe të tremeve, do të jetë kompetente Gjykata Shqiptare.

ORTAKET
E SHOQËRISE ME PËRGJEGJËSI TË KUFIZUAR
*** EMERTIMI I SHOQËRISE***
“ Përzgjedhur Produkti i Vitit - Shqipëri ” Sh.p.k.

Ilda Mara



Hazis Vardar



**AKT THEMELIMI
I SHOQËRISË ME PËRGJEGJËSI TË KUFIZUAR
“ Përzgjedhur Produkti i Vitit - Shqipëri ” Sh.p.k.**

Sot më datë 29.05.2019__, ne, themeluesit Znj. Ilda Mara, adresa rruga Marko Boçari, Pallati TID 2, Ap. 29 Tirane 1001 dhe Z. Hazis Vardar, adresa 42 Rue de Clichy, 75009 Paris, France, vendosëm krijimin e një shoqërie me përgjegjësi të kufizuar, me emrin “ Përzgjedhur Produkti i Vitit - Shqipëri ” Sh.p.k., si dhe nënshkrimin e Aktit të Themelimit të mëposhtëm të një shoqërie me përgjegjësi të kufizuar, (më poshtë “Shoqëria”), aktiviteti i së cilës rregullohet nga legjislacioni shqiptar në fuqi dhe Statuti i saj, i cili është pjesë përbërëse e tij.

Neni 1 – Emërtimi

1.1 Emërtimi i Shoqërisë është “ Përzgjedhur Produkti i Vitit - Shqipëri ” Sh.p.k.

Neni 2 - Selia

2.1 Selia e Shoqërisë është në adresën: Rruga Nikolla Jorga, Pallati Delta 2, Tiranë 1001

Neni 3 - Kohëzgjatja

3.1 Kohëzgjatja e veprimtarisë së Shoqërisë do të jetë për një afat të pacaktuar.

Neni 4 – Objekti i shoqërisë

4.1 Shoqëria ka si objekt veprimtarie të gjitha aktivitetet që lidhen me zhvillimin e evente, panaire, workshop, koncerte, promocion dhe konkurse. Zhvillimin e eventeve, konkurseve për përzgjedhjen e produkteve me të mira, në baza vjetore, të mallrave të konsumit, të shërbimeve, industrive etj.

4.2 Shoqëria mund të kryejë çdo aktivitet tjetër të nevojshëm apo të dobishëm për realizimin e qëllimeve të shoqërisë.

Neni 5 – Kohëzgjatja e veprimtarisë

5.1. Kohëzgjatja e veprimtarisë së shoqërisë do të jetë për një afat kohe të pacaktuar.

Neni 6 – Kapitali themeltar

- 6.1 Kapitali themeltar i shoqërisë është 100.000 (njëqind mije) lekë.
- 6.2 Kapitali themeltar i shoqërisë përbëhet nga 2 kuota, ku secili zotëron nga 1 kuotë.

Neni 7 –Kontributet

- 7.1 Kontributi në kapitalin e shoqërisë është ofruar si më poshtë:
- Znj. Hida Mara, i përket 1 kuotë, me vlerë të përgjithshme 51 000 Lekë që përbën 51 % të kapitalit themeltar të shoqërisë. Kontributi i ortakut është paguar në të holla.
 - Z. Hazis Vardar i përket 1 kuotë, me vlerë të përgjithshme 49 000 leke që përbën 49 % të kapitalit themeltar të shoqërisë. Kontributi i ortakut është paguar në të holla.

Neni 8 – Transferimi i pjesëve të kapitalit

- 8.1 Pjesët e kapitalit i transferohen të tretëve sipas parashikimeve të Statutit.

Neni 9 – Administratorët

- 9.1 Me këtë akt emërohet Administrator i Shoqërisë personi si më poshtë:
- Znj. Hida Mara e cila emërohet për një afat 5 (pesë) vjeçar.
- 9.2 Administratori do të ushtrojë të gjitha kompetencat e administrimit të zakonshëm apo të jashtëzakonshëm, në përputhje me parashikimet e nenit 95 të ligjit nr. 9901, datë 14 prill 2008 “Për tregtarët dhe shoqëritë tregtare” dhe Statutit të shoqërisë.
- 9.3 Administratori është gjithashtu i autorizuar të veprojë në emër të Shoqërisë në formim e sipër deri në regjistrimin e saj pranë Qendrës Kombëtare të Biznesit. Ai është gjithashtu i autorizuar, të firmosë të gjitha aktet dhe të marrë përsipër detyrime në emër të Shoqërisë që rrjedhin prej momentit të regjistrimit të saj si edhe ka të drejtë t'i delegojë kompetencat e tij personave të tjerë.


* * *

ORTAKET E SHOQERISE

HAZIS VARON K

A complex, scribbled handwritten signature in blue ink, consisting of multiple overlapping loops and lines.

I lola Mera

A stylized handwritten signature in blue ink, featuring a vertical line on the left, a horizontal line at the top, and a loop on the right.